

NEVFVIEME

SERMON.

GENESE XXVIII.

- 10. Iacob donc partit de Beer-scebah & s'en alla en Caran.
- 11. Et se rencontra en un lieu auquel il passa la nuit, pource que le Soleil estoit couché. Il print donc des pierres du lieu, & en sit son cheuet, & dormit en ce lieu là.
- 12. Lors il songea, & voici une eschelle,&c.

APOSTRE S. Paul au 15. chapitre de l'Epistre aux Romains dit que toutes les choses qui ont esté escrites ont esté escrites pour nostré endoctrinement, asin que par patience et consolation des escritures nous ayons esperance. Sur tout la vie des Patriarches Abraham; Isaac, & Iacob est pleine d'enseignemens & sertile en consolations. Car estans la souche & l'origine du peuple de Dieu, quand Dieu parloit à eux, il parloit aussi à nous: & Dieu les conduis DEC. IV.

sant par sa prouidence, & les deueloppant de tant de difficultés, promettoit tacitement qu'il feroit le mesme à leur posterité: Leur condition roulante & voyagere estoit vn exemple & vn modele de la condition de l'Eglise, laquelle ne trouve point d'arrest ni de repos sur la terre: Ils n'ont eu aucune possession immeuble horsmis deux sepulchres qu'Abraham & Iacob ont achetés pour estre à nous qui sommes herieiers de leur foy, vn aduertissement que nous ne pouvons pretendre aucun droit ni proprieté en ceste terre,sinon autant qu'il en faut pour couurir nos poures corps apres la mort, jusqu'au jour de la refurrection. Dieu n'a pas voulu que par eux qui estoyent peres naturels de son peuple, commencast la possession de la terre de Canaan, pour estre une figure que la possession de l'heritage promis, qui est la Canaan celeste, ne nous vient pas de nature, mais par la grace de Dieu.

Particulierement le Patriarche Iacob nous est vn exemple de patience, & des diuerses espreuves dont Dieu exerce ses ensans, & du soing qu'il a de ceux qui se fient en luy. Il commença den sentir des esse plus exprez lors qu'il souit de la maison de son pere pour euiter la colere de son fiere Esau. Car alors ordinairement Dieu commence à nous faire sentir son secours quand les moyens humains desaillent, & que les hommes nous ont abandonné. Comme disoit Dauid au Pseaume 27. Mon pere é ma mere m'ent abandonné, mais l'Eternel m'a recueille. Dieu nous depouille de force & d'appuy selon le monde, de peut que nous n'attribuions nostre subsistence à ne-

>> Kre ver

ftre vertu, & afin que nous dependions entierement de sa prouidence & de son soing paternel. Nous ne recognoistrions pas si aisément l'œuure de Dieu en la nourriture de son peuple apres l'auoir tiré d'Egypte, s'il l'eust mené par vn pays abondant & commode, & non par vn desert affreux, parmi les serpens bruslans, sans pain, sans eau, sans aucune commodité. On ne recognoistroit pas si aisèment l'œuure de Dieu se seruant de ses Apostres pour planter son Royaume par la predication de l'Euangile, s'ils eussent esté sauans & cloquens, & de grande qualité entre les hommes. Et la victoire de Samion eust esté moins admirable si au lieu d'vne machoire d'asne il eust eu vne bonne espec en la main : car les moyens humains offusquent la gloire de Dicu & partagent auec luy la louange.

Vola donc Iacob fils d'vn pere riche & opuslent, qui sort comme fugitif de la maison de son pere auec vn baston en la main, sans train, sans seruiteurs; sans commodité, pour faite à pied vn chemin de quelques quatre cens lieuës, & passer par vn pays où courent les lions, & qui est infame de brigandages. Chose dequoy s'esbahir; qu'Abrahamenuoyant son seruiteur en Mesopotamie pour trouuer vne semme à son fils, l'enuoya auec train de chameaux, suyui de seruiteurs & chargé de riches presens: & qu'Isaac qui n'estoit point inferieur à son pere en richesses ait enuoyéloin de soy son fils, heritier de la promesse, en si povre equippage, comme si c'eust esté

quelque povre estranger.

On pourroit dire que Iacob est sortià la de-

robbee pour se cacher de son frere, lequel comme aisné & violent, auoit plus de puissance en la maison d'Isac. Mais i'estime plustost qu'Isac en cela a suiui le conseil de Dieu, & ne l'a point fait sans consulter la bouche de l'Eternel. Dieu voulant par ce moyen humilier Iacob, afin de l'eleuer puis apres & le faire passer par des grandes difficultés, pour luy rendre plus sensible son affistence. Afin que Dieul'ayant benit apres cela, il ne peuft dire, c'est mon pere Isaac qui m'a amassé ces biens, ains qu'il les tinst simplement & nuement de la benediction de Dieu. Comme de fait retournant du pais où il avoit esté serviteur & estranger, & figure de Iesus Christ, lequel en seruant comme estranger s'est acquis vne espouse, à scauoir son Eglise, il parle ainsi à Dieu: l'ay past ce Iordain auec un baston, mais maintenant ie suis auec deux bandes, Genes.12.

S'estant donc mis en chemin, à peine estant eloigné de quinze ou dixhuit lieuës de la maison de son pere, il s'endort au soir, estant harassé du chemin. Il estoit couché sur la dute, pour remuer son lict il eust falu vn tremblement de terre, son cheuer estoit vne pierre, le ciel sa conuerture: & outre ceste couverture vne autre meilleure, à sçauoir la providence de Dieu. Alors on ne sçauoir que c'est de coucher sur trois matelats, & toures les delicatesses qui ont assoibli les corps & amolli les courages n'estoyent encor inventees. Dont ne se faut esbahir si des personnes endurcies à la peine estoyent excellentes en vertuicar la vertu s'accommode mieux auec l'austerité & auec la simplicité. Elle endurcit le corps

par abstinence: elle neglige les curiosités: elle se contente de satisfaire à la nature, la quelle se contente de peu, mais la convoitise n'a point de limites & va à l'infini. C'est vn grand mal quand la curiosité & vanité a rendu necessaires les choses superflues, car par ce degré les choses mauuai-ses deuiennent en sin necessaires.

Lors que Boos, abondant en richesses, cou Ruth ? choit au bout d'vn tas de bled, & que les filles de Exed.2. Iethro, Prince & Sacrificateur de Madian, me- 16. noyent abreuuer les troupeaux : & qu'vn Patriarche auoit vne pierre pour son cheuet, c'estoit le temps auquel Dieu parloit du ciel aux hommes, & de ce siecle là se preinent les grands exemples de vertu & de familiere communication auec Dieu. Iamais tels songes que celuy de Iacob ne sont aduenus à vn homme couché sur le duuet. Ainsi en l'histoire Romaine on appelle ce siecle là le siecle des vertus, lors qu'on prenoit de la charrue les generaux d'armee, lesquels auoyent des durillons aux mains, comme s'ils eussent marché sur les mains. Alors la terre estoit plus fertile, comme se glorifiant d'estre labource par vne charrue triomphale, & par des Dictateurs couronnés de victoires. La vertu ne peut viure sous l'empire des voluptés, ni entrer en vn esprit qui sert à son ventre, & qui discerne mieux les vins & les sausses que les bonnes doctrines. Vn pere & vne mere qui accoustument leurs enfans à delicatesse, & qui leur donnent tout ce qu'ils demandent, en receuront en fin de l'affliction.

Ce que ie dis non pas que l'estime qu'vn homme soit plus agreable à Dieu pour estre mal cou-

ché, ou mal vestu, ou mal nourri. Ie sçay qu'il est loisible de se seruir des commodités que Dieu donne, & que tous les corps ne souffrent pas vn pareil traittement. Dieu ne requiert point de nous que nous traittions nos corps auec cruauté. Celuy seroit insensé ou hypocrite qui pouuant coucher en vn lictaime mieux coucher sur la dure: ou qui le ceint d'vne corde pouuant auoir vne courroye:ou qui comme font quelques Moines, couche sur des planches, & a vne teste de mort pour son cheuet. Car en telles austerités artificielles les Payens peutient surmonter les Chreftiens. Et toutes les disciplines austeres des Capuchins & Fueillans n'approchent point de celles des Prophetes de Baul, qui s'ensanglantoyent & deschiquetoyent le corps de lancettes pour le service de leur Dien, 1. Rois 18. Seulement ic dis que la simplicité & austerité en la vie est louable quand elle procede du mespris de ce monde, & du desir de matter sa chair & tenir en bride sa conuoitise, & non point de scrupule superstitieux, on d'affectation & oftentation, & quand l'homme le lert auec lobrieté des biens que Dicu. donne lans y apporter artifice, ni delicatesse, ni curiofité: & quand il est aussi content de coucher sur la paille en cas de necessité, que s'il estoit couché en vn bon lict. L'homme qui craint Dieu est aussi content d'estre vestu de drap que de soye. Il se sert de vaisselle d'argent auec autant de mespris que si elle estoit de terre : & de vaisselle de tetre auec autant de contentement que si elle estoit d'argent. Par exercice il a endurci son corps, & par sobrieté il l'a accoustumé à s'accommoder à tout & à se passer à peu; ayant parmi les richesses imité la povreté: quand la povreté vient, il la reçoit gayement, car il s'est desia familiarisé auec elle, se souvenant de Iesus Christ qui n'auoit pas où reposer son chef, & de Iehan Baptiste néen vue illustre maison, qui viuoit de sauterelles & de miel sauuage: & de S. Paul qui gnant sa vie à coudre des pauillons, n'eust pas voulu changer de condition auec l'Empereur Romain.

Or Iacob estant ainsi mal couché, & logé à l'enteigne de l'estoile, ne laisse pas de dormir profondement, & de iouit d'vn doux sommeil. Au contraire vous trouuerez des hommes quine pentient dormir en vn bon lict. D'où vient ceste difference? Cela vient de ce que Iacob auoit la conscience à repos, & se fioit en Dieu, sur lequel il deschargeoit ses soucis auant que s'endormir, ayant Dieu pour conducteur & cheminant en la vocation. Il s'est endormi sur ceste persuasion, que Dieu veilloit pour luy, & estoit sa garde & sa protection: Il n'y a point de breuuage dormitoire qui face dormir si doucement vn homme, que quand apres auoir inuoqué son Dieu il remet sur luy ses soucis, comme vn enfant qui s'endort entre les bras de son pere. Mais celuy qui sott de sa vocation, & auquel la conscience donne des remors, ou qui s'embarrasse l'esprit de sollicitudes terriennes, ou qui est rongé d'enuie, ou qui a la teste pleine de procez, ou d'appetit de vengeance; ou qui ne se fie point en la prouidence de Dieu, ne trouue point de bonne place en son lict, & parmi toutes les commodités de la

218

vie, & parmi l'applaudissement des stattents ne trouve point de repos. Il n'y a point de paix pour, les mes hans, a dui l'Eternel, E'. 48. & 57. Et ordinairement es cabanes des pauures on dort plus doucement qu'es maisons des Rois. Car il est de la societé humaine comme des atbres desquels le sommet bransle, & la partie la plus haute est

Particulierement de Iacob ne se f ut esbahir

quali touliours agiter.

s'il dormoit doucement sur la dure, puis que durant la nuict & parmi son repos il communiquoit auec Dieu. Car y a-il chose au monde qui puille troubler vn esprit que Dieu resiouit d'vn si doux entretien? Et qui cleue sa pensee bien loing par dessus les choses terriennes? Car comme Dieu habite en vne pleine paix, ainsi que dit Bildad au 25. chapitre de Iob; Il a mis la paix en Ces haues lieux; aussi il remplit de paix & de tranquillité ceux qu'il approche de soy, es cœurs desquels il agit par cet Esprit qui est le Consolateur, duquel les effects sont ioye & paix, Rom. 14. Ils disent chacun à part soy, changerois-ie par mes soucis le cours des affaires publiques?voudroi-ie controoller les actions de Dieu? Celuy qui a conté nos cheueux, a austi conté nos jours, & encore plus nos ames. Luy qui n'a point espargné son Fils, mais l'a liuré à la mort pour nous, comment ne nous donneroit-il toutes choses auec luy? Rom. 8. Ayant la promesse de Dieu de ne nous abandonner point, & ayant tant de preuues de son soing paternel enuers moy en tout le cours de ma vie, viendrois-ie à pecher par vne deffiance ingrate,

& estre en angoisse & apprehension pour l'aue-

Digitized by Google

nit? Dien

nit? Dieu a ensa main le cœur des rois, comme le decours des eaux, si l'encline où il veut, Prou. 2. Il met sa boucle en leurs natines: Vn passereau ne tombe point à terre sans sa volonte. Comment le sidele partelles pensees ne trouueroit-il du repos en son lict, veu que les martyrs par les mesmes pensees ont trouué du repos parmi les tourmens, & au milieu du seu? & sont allés à la mort auec la contenance de ceux qui en sont eschappés?

Ainsi reposoit ce sain a Patriarche lors que Dieu luy apparut en songe. Il songeoit qu'il voyoit vne eschelle qui d'vn bout reposoit sur la terre, & de l'autre touchoit le ciel, par laquelle les Anges montoyent & descendoyent. Et Dieu estoit au plus haut luy renouuellant & confermant son alliance contractee auec Abraham, & luy promettant de le benit & multiplier sa po-

sterité.

L'interpretation de ce songe en ce qui concernoit particulierement la personne de lacob estoitaisee. Cat ceste eschelle significit le voyage de lacob. Les Anges allans & venans signisse oyent que Dieu l'accompagneroit en son allee & en son retour. Et Dieu estant en haut & patlant à luy, luy promettoit de le benir & l'accompagner de sa prouidence.

Mais nous poserions des bornes trop estroittes aux enseignemens & apparitions aduenues aux Patriarches, si nous pensions qu'elles ne concernoyent que leurs personnes & ne seruoyent point à chasque sidele en particulier & à l'Eglise

en general.

Pourtant ie dis que ceste etchelle est aussi vne figure de la vie du sidele. Que Dieu par ceste vision promet à ceux qui le craignent que ses Anges les accompagneront en leurs allees & venuës, iusquà ce que commé par degrés ils montent iusques à Dieu. Dont s'ensuit qu'à l'exemple de Iacob nous pouvons dormir à repos sous ceste protection fauorable.

Se peut aussi dire que les eschellons ou degrés de ceste eschelle par lesquels les Anges montent iusqu'au Dieu Treshaut, sont les degrés de nostre avancement en la foy & en la regeneration, pour aller de vertu en vertu, comme il est dit au Pseaume 84. & s'auancer de foy en foy, comme dir l'Apostre Rom.i. c'est à dire par des degrés & accroissemens de foy par lesquels l'homme s'eleue finalement iusqu'à Dieu. Ce qui paroist par le meipris du monde, quand nous eloignons de iour en iour & de degré en degré nos affections des choses terriennes; de la valeur desquelles on iuge mieux de loing que de pres, pource que de préselles eblouissent la veue par vn lustre trompeur. Car comme à mesure qu'on monte haut, les chofes basses semblent diminuer de grandeur, ainsi à melure qu'on eloigne son cœur des choses terriennes, & de l'admiration des richesses & grandeurs de ce monde, elles s'appetissent & deuiennent contemptibles. A celuy qui est monté fur vne fort haute montagne les grandes villes semblent estre des villages : mais s'il estoit eleué bien haut par deskis la deuxieme region de l'air les montagnes luy sembleroyent des versues ou des mottes, & s'il estoit monté jusques aux cieux toute

toute la terre luy sembleroit vne petite boule suspenduë en l'air, ou mesme luy disparoistroit entierement. Ainsi à mesure qu'on eleue son cœur à Dieu, & que par la soy & par l'amour de Dieu nous nous approchons de Dieu & goustons les biens eternels & celestes, nous sentons diminuer en nos cœurs l'estime que nous faissons des choses d'ici bas, & les palais des Rois nous semblent n'estre que des cabanes, & toute la gloite du monde estre sumee & vanité; & les guerres & seditions des peuples nous sont comme vn emotion de mousches itritees.

Or les degrés de cet auancement ne se discernent pas à l'œil, & est malaisé de recognoistre combien à chasque heure ou à chasque sour on s'est auacé en la regeneration. Les plus vertueux ont bien de la peine à s'examiner là dessus & à se rendre conte à eux melmes de leur anancement: & estans entrés en cer examen en sortent assez mal satisfaits. Il est de cet avancement comme de l'accroissement des plantes, ou de l'auancement des equilles des quadrans, lesquelles semblent ne bouger, mais au bout de quelque temps on recognoist qu'elles ont auancé. Et la pesanteur de ceste chair, & nostre inclination naturelle vers les choses terriennes, tasche de nous tirer en bas, & ne pourrions monter par tes degrés si Dieu d'enhaut ne nous tendoit la main: duquel nous deuons implorer le secours par prieres continuelles, & tenir ceste chair en bride par la sobrieté & par le tranail, & par les œunres de charité & de pieté, & talcher de gaigner toufiours quelque chose sur nostre peruersné &

tardiueté naturelle. Bien-heureux est celuy qui sent en soi-mesme cet auancement: qui peut sans mentir & sansse flatter le rendre ce telmoignage à soi mesme, d'estre moins convoiteux de richesse qu'il n'estoit auparauant, plus enclin à aumosnes, plus degousté de voluptés, plus patient en iniures, plus lobre, plus affiduel & ardent en les prieres, plus affectionné au service de Dieu. Lequel auancement s'il n'est pas tel que nous desse rerions, c'est desia beaucoup s'il est vrai, & si aucc vn desir serieux nous taschons de nous auancer. Car cet auancement estant vn œuure de Dieuil n'abandonne point son œnure: c'est vn signe que Dieu nous aime quand il nous fait la grace de l'aimer, & de profiter & nous auancer en son amour. Par ce moyen comme la vie du fidele doit estre vne mortification continuelle par le crucifiement du vieil homme, à l'imitation de la mort de Jesus Christ-aussi elle sera vne ascension continuelle à l'imitation de l'ascension de Icsus Christ, lequel est monté en haut afin d'attirer apres loy nos affections, iulqu'à ce que nos ames montent à luy pour trouuer pres de luy vn repos eternel. Car, comme dit l'Apostre aux Philippiens chapitre 3. Nostre conuersation est de bourgeois des cieux, d'où nous attendons le Sauueur, qui transformera nostre corps vil & le rendra conforme à son corps glorseux.

Mais le diable ennemi de nostre salut nous dresse vne autre eschelle, semblable à celles par lesquelles on descend aux mines profondes, & aux lieux sousterrains. Car toutes ses tentations tendent là, asçauoir à faite pancher nos esprits

en bas,

en bas, & comme par des eschellons & degrés d'endurcissement & de profanité, nous mener finalement au gousse prosond de perdition eternelle. Laquelle descente se fait insensiblement pendant qu'on trauaille à amasser de l'argent, ou qu'on hume l'air d'vne court: ou qu'on s'esgaye en ses voluptés & debauches: & que le temps eschappe, & les annees s'ecoulent sans penser à son salut & au seruice de Dieu: & qu'il se fait petit à petit vn'eal espais sur les consciences, qui deuient impenetrable aux pointures de la parole de Dieu: & qui rend l'homme insensible à ses aduertissemens.

Mais encore n'auons-nous pas touché le principal de ceste vision de lacob, & la principale signification de cette eschelle : car rien n'empefche que par vn melme moyen Dieu ne nous enseigne plusieurs choses. Ainsi le deluge est vn grand & terrible exemple de la iustice de Dieu punissant les pechés des hommes, & vne preune euidente de la prouidence & de son soing à conferuer son Eglise:cependant S. Pierre au 3. chapitre de la premiere Epistre nous enseigne que ce deluge a esté vne figure correspondante à la figure du Baptelme. Et les sacrifices signifiquent la mort de Iesus Christ, & par mesme moyen monstroyent qu'afin que nous soyons vn sacrifice agreable à Dieu il faut faire mourir en sa presence nos affections brutales, & les egorger auec le couteau de la parole & de son Esprit. Ainsi la rupture du voile pendant que le Seigneur effoit en croix lignifioit deux choles, à sçauoir que le voile des ceremonies estoit aboli par sa mort, & que

224

werf.51.

par la mesme mort l'entree au sanctuaire celeste nous est ouverte. Disons le mesme de ceste eschelle, laquelle representoit le succez du voyage de Iacob, & la vie du sidele, & estoit aussi sigure de nostre Seigneur Iesus Christ. Ce que nous apprenons de Iesus Christ mesme au premier chapitre de S. Iehan, quand il dit, En versié it vous de que desermais vous verrez le ciel ouvert, & les Anges de Dieu montans & descendans sur le Fils de l'homme: où manisestement il fait allusion aux Anges montans & descendans par ceste eschelle, laquelle estoit vne sigure de nostre Seigneur lesus Christ.

Car comme ceste eschelle touchoit d'vn bout la terre & de l'autre le ciel, ainsi Iesus Christ a ioint la terre au ciel, & reioint Dieu auec l'homme. Pour ceste sin estant Dieu il s'est sait homme afin de reioindre & reconcilier Dieu auec les hommes. Car nul n'est plus propre à moyenner vo accord entre deux personnes discordantes, que celuy qui est parent des deux.

Aussi est-ce luy par lequel nous montons à Dieu & approchons de Dieu. Par luy comme par vn canal les benedictions de Dieu decoulent

iulqu'à nous.

Les Anges montans sont nos prietes, les Anges descendans sont les benedictions de Dieu. Car par Iesus Christ les dons & graces de nostre Dieu descendent iusqu'à nous. Et par Iesus Christ nos prietes montent iusqu'à Dieu: & par luy nous auous libre accez au throsne de la grace de Dieu.

Le dormit de lacob au pied de cette eschelle veut dite

veut dire que nos confciences trouvent du repos à l'ombre de sa redemption & intercession: voire quand mesme nous serions couchés sur la dure: qu'and nous naurions pour cheuet qu'vne pierre: c'est a dire, quand mesme nous serions destitués de toutes commodités temporelles,& enuironnés de mille difficultés, si est-ce que nos consciences tronucront du repos sous l'ombre du benefice de Iesus Christ. Car comme dit l'Apoftre Rom. 8. qui est-ce qui nous condamnera? Christ est celuy qui est mort, & qui plus est qui est resuscité, lequel est aussi assis à la dextre de Dieu faisant requeste pour nous. Qui nous separera de la dilection de Christ? Bref il conclut que ni mort ni vie,ni aucune creature ne nous pourraseparer de la dilection de Dieu qu'il nous a monstree en Iesus Christ nostre Sei, gneur. Car craindrions-nous que les accusations du diable fussent plus fortes que l'intercession du Fils de Dieu, qui est nostre Aduocat enuers son pere? Craindrions-nous que Dieu ne haisse d'auantage nos pechés qu'il n'aime l'obeissance de son Fils? Ou que la promesse de Dieu soit fausse, par laquelle il promet de sauuer tous ceux qui croyent en luy?

Pourtant si nous voulons monter au ciel, montons par cette eschelle: car nul ne vient au Pere sinon par luy, Ich. 14. Il n'y a point de salut en aucun autre, & n'y a point d'autre nom sous le ciel qui soit donné aux hommes pour estre sauués, A&. 4. Car le bon plaisir du Pere a esté que toute plenitude habitust en luy, Col. 1. 19. Et de reconcilier par luy toutes choses à soy, ayant fait la paix par le sang de la croix.

Satan a voult renuerser cette eschelle, quand

il a tasché par ses tentations de corrompre son innocence, & le troubler en l'œuure de nostre redemption. Dont n'ayant peu venir à bout, maintenant par vn second effort il tasche d'empescher les hommes de monter à Dieu par ce chemin, & de faire lascher prise à ceux qui pour s'appuyer en montant empoignent les deux costés de ceste eschelle. Il suscite des vents impetueux de persecutions pour les faire tomber, & par ses allechemens il tasche de les retirer vers les choses terriennes.

Iamais homme n'en est tombé sans se rompte

le col, & la cheute en est mortelle. Pourtant c'est à nous d'empoigner cette eschelle par vne ferme foy qui soit operante par charité & sertile en bonnes œuures, & demander à Dieu secours à ce qu'il nous soustienne, & qu'il nous rende la main d'enhaut pour nous aider en cet effort pat lequel nous taschons de monter à luy. O combien S. Estienne qui meine la bande entre les martyrs estoit auancé, & combien d'eschelons il auoit monté, quand assommé de pierres il voyoit les cieux ouverts, & Ielus Christ assis à la dextre de Dieu! L'Apostre sain & Paul estoit pres du plus haut eschellon de ceste eschelle, 2.Tim.4. quand ayant le prix sous la main, il disoit, le m'en vay estre mu pour estre aspersion du sacrisice, & le temps de mon delogement est prochain. l'ay combattule bon combat, i'ay acheué la course, i'ay gardé la fo, quant au reste la couronne de sustice m'est reseruce laquelle me rendra le Seigneur inste suge en

> Aussi les Anges montans & descendans par ceste

ceste sournee là.

ceste eschelle, sont dignes de nostre consideration: car celuy qui a Iclus Christ pour soy, a aussi les Anges pour sa defense. Ces Anges ont annoncé sa conception à la Vierge, & sa naissance aux bergers. Ils luy ont assisté au sottir de sa tentation. Ils l'ont consolé en l'agonie de la mort. Ils ont roulé la pierre de son sepulcre. Ils ont annoncé à ses disciples sa resurrection. Ils ont en fon ascension promis aux Apostres & à nous son retour au dernier iour. Aussi sont-ils gardiens de ceux que le Pere a donnés à son Fils. Estans esprits administrateurs enuoyés pour seruir, pour l'amour de ceux qui dosuent receuoir l'herstage de falut, Hebr. 1. Afin que comme leur presence nous sert de defense, aussi elle nous serue d'aduertissement & de retien pour nous destourner de toutes mauuaises actions: Car voudcions-nous offenser Dieu en leur presence? Entre lesquels, puis qu'il y a joye pour vn pecheur conuerti, ne doutez pas qu'il ne se contristent de toutes les manuaises actions de ceux dont la garde leur est commise. N'est-ce pas les outrager grandement que de les rendre gardiens de porcs, au lieu de gardiens de fideles? & rendre telmoins de nos crimes ces esprits bien-heureux qui sont gardiens de nostre vie?

Telle & tant pleine de fignification a esté ceste eschelle apparue à lacob: apres laquelle vision estant reueillé de son sommeil, l'Escriture dit qu'il sur espousanté. Dieu auoir parlé à luy auce toute douceur, luy promettant abondance de benedictions: ce neautmoins il s'est essrayé, soit pource que la conscience de l'homme, mesme des plus iustes se reueille quand Dieu parle à luy.

DEC. IV.

& luy ramentoit ses pechés: comme disoit Esse au 6. chapitte, Helas! c'est fait de moy, car ie sui bomme souillé de levres, et mes yeux ont veu le Roy l'Eternel des armees: soit pource que hostre chait est infirme, et nostre veue debile, et ne peut supporter le regard de la Maiesté divine, si les signes de sa presence. Il n'y a rien plus agreable aux yeux que la lumière du Soleil, toutes ois elle offense les yeux tendres. Il n'y a rien plus doux ni plus salutaire que la doctrine de l'Euangile, et neantmoins afin de nous l'annoncer, Dieus est reuestu de nostre chair, et a rendu sa presence accessible à nostre infirmité, couvrant sa face de ce voites de peur que nous ne sussions eblouis de la splendeur de sa Maiesté.

De là vient que les fideles messent dans leurs cœurs des affections qui semblent contraires, à sçauoir la ioye auec le tremblement; car à l'vne & l'autre conjointement nous sommes exhortés au Pscaume deuxiesme, où Dauid dit, Sernez à l'Eternel en crainte, & vous égayez auec tremblement. Car comme d'vne pait la bonté de Dieu les resiouit, aussi d'autre part la grandeur de la Maiesté de Dieu, & le sentiment de leur infirmité, les saisst d'un saince espouuantement. Lesquelles deux affections diverses lesus Christ a accomplees es premiers mots de l'orailon dominicale, Nostre Pere qui es es cieux, où le mot de Pere nous attite par la douceur, & ces mots, qui es es cieux, nous humilient en nous representant sa maiesté celeste. Dont aussi en la priere nous plions le genouil en éleuant les yeux, qui sont deux geltes dont l'vn telmoigne la fiance , & l'autre la crainte & l'humilité. Estant Estant donc estrayé, il prononce ces paroles. Pour vray l'Eternel est ence lieu, & ie n'en sçauois rien. Que ce lieu est espounantable : ce n'est ici que la maison de Dieu, & c'est ici la porte des cieux.

Quand il dit, que l'Eternel est en ce lieu, il ne nie pas que Dieu ne soit aussi ailleurs. Il sçauoit bien que Dieu est present par tout, & n'est enclos d'aucun lieu. Mais l'Escriture nous parle de quatre sortes de presence de Dieu. Premierement il est present par tout par son essence:les cieux des cieux ne le contiennent pas, 1. Rois 8. Dont aussi il parle ainsi de soy-mesme au 23. chapiere de Icaremie, Suis-ie un Dieu de pres & non de loing : ne rempli-ie pas les cieux & la terre? Item l'Escriture dit que Dieu est present & pres de quelcun quand il luy fait sentir son secours & sa faueur, comme au Pleaume 34. L'Eternel est pres de ceux qui ont le caur rompu. Et en ce lens l'Escriture souvent die que Dieu s'approche de quelcun quand il le secourt au besoing : ou qu'il s'essoigne & s'absente, quand il retire son secours & sa faueur. C'est de celle sorte de presence dont Iesus Christ parleau 18. de S. Matthieu, disant que où ils seront deux on trois affembles en son nom, il sera au milieu d'eux. Ily a encore vne troisieme sorte de presence de Dieu par laquelle il habite es cœurs de ses enfans & eleus, par l'Esprit de sanctification. De ceste presence parle lesus Christ au 14. de S. Ichan, Si quelrun m'aime el gardera ma parole, & mon Pere l'aimera, o nom viendrons à luy, o ferons demeurance chez luy. Tout ainsi que le Soleil espand ses rayons par tout le monde, & neantmoins on peut dire à bon droit qu'il est absent aux aueugles,

Digitized by Google

230 lors mesme qu'il leur donne sur la face; ainsi Dieu est present par tout par son essence, & neantmoins l'Escritura dit qu'il est loing de ceux qui n'ont point sa crainte, & dans lesquels il n'agit point par son sainct Esprit : combien qu'ils avent le nom de Dieu souvent en leur bouche, neantmoins Ieremie chapitre 12. dit que Dien est pres de leur bouche & loing de leurs reins, c'est à dire de leurs pensees & de leurs affections. Finalement il y a la presence de Dieu gloricuse par laquelle il a posé son throsne es cieux souverains, où il le manifeste & descouure la face à ses saincts

en fon royaume celeste.

Es trois premieres sortes de presence de Dieu, Dieu estoit present au lieu où estoit Iacob. estoit present par son essence comme par tout ailleurs. Present par sa prouidence: car il auoit soing de lacob son seruiteur. Present par l'Esprit de sanctification par lequel il illuminoit l'entendement de Iacob, & purificit son cœur. Et mesme en quelque façon Dieu estoit là present comme es cieux par sa presence glorieuse, entant que par ceste apparition il luy auoit fait sentit quelques estincelles, & luy avoit monstré quelques rayons de la gloire & maiesté celeste. Cependant combien que Dieu fust present en ce lieu en toutes façons, neantmoins puis que Iacob dit, Pour vray l'Eternel est en ce lieu, & ie ne le sçauois point, il est euident qu'il ne parle pas de la presence de Dieu par son essence, car il sçauoit assez que Dieuest present par tout en ceste façon. Mais ce luy estoit vne chose merueilleuse, & non attenduë, qu'en vn lieu desert & en vn pais d'infideles Dien Dieu luy eust voulu donner des signes si exprés de sa presence sauorable: dont aussi ce lieu a esté depuis appelé Bethel, c'est à dire, la maison du Dieu sort.

Et en disant, C'est ici la maison de Dieu & la porte du ciel, il n'entend pas que le lieu où il auoit esté couché sust la maison de Dieu & la porte du ciel: mais il entend que le lieu qui luy estoit apparuen dormant, estoit vrayement la demeure de Dieu, es lieux celestes, comme si Dieu luy eust ouuert la porte du ciel. Car il parle comme estant encor en ecstase, & n'estant encore reuenu de son rauissement.

Or l'Escriture met la demeure de Dieu es cieux. combien qu'il soit aussi en terre, disant au premier des Chroniques chapitre 6. Exauce des cieux, qui est le domicile arresté de ta demeure. Et Pl. 125 l'eleue mes yeux à toy ô Dieu qui habites es cieux. Et mesme les Payens par vn instinct naturel mettent les Dieux au ciel, & leuent les yeux au ciel en la priere. Cat à bon droit le premier des corps est l'habitation du premier des esprits, auquel premier des corps Dieu a donné vne forme ronde, laquelle est la plus parfaire & la plus durable, & qui n'a point de commencement ni de fin, quant à la figure, pour imiter en quelque façon la perfection de Dieu, & son estre, qui au. regard de la durce n'a commencement ni fin. bon droit vne demeure resplendissante est attribuce à celuy qui est le Pere des lumieres: & le ciel dont les influences gouvernent & temperent les choses inferieures, est vne demeure conuenable à celuy qui gouverne toutes choses &

242 influe en toutes choses par la vertu. Item l'Escriture dit que Dieu habite es cieux combien qu'il foit present par tout, pource qu'il y est plus cogneu & mieux serui qu'ici bas: dont aussi en no-Are priere ordinaire nous demandons à Dieu que sa volonté se face en la terre comme elle se fait au ciel. Entre lesquels cieux il y a celuy que

S.Paul 2. Cor.12. appelle le troisieme ciel , & le Rois 8. Paradis : & que Salomon appelle les cieux des cieux, pource que ce ciel enclost & enuironne les autres cieux. C'est là le ciel où est l'habitation des saincts en la lumiere, Coloil.1. La Dieu a posé son throsne: là il y a vne paix eternelle, & n'y a pulle agitation. Dieu a mis la paix en ses hauts lieux, lob 25. Vne demeure tranquille est conuenable à la nature du Dieu de paix, qui n'habite point parmi le tourbillon & vent impetueux, 1.Rois 19. Et de ce lieu de repos il meut toutes choles fans le mouvoir.

Laquelle meditation n'est point sans exhortation à craindre Dieu & à l'aimer. Car quand l'Escriture dit que Dieu habite es cieux,elle nous aduertit que comme les cieux nous enuironnent de toutes parts, aussi Dieu est tout à l'entourde nous & nous regarde de tous costés, afin que nous cheminions tousiours comme denant les yeux, & comme deuant celuy auquel rien n'est caché.

Ceste mesme consideration esleue nos penfees & nos defits aux chofes d'enhaut, puis que là est la demeure de nostre Pere, & que là il nousa preparé vne demeure eternelle. Car en priant Dieu & en contemplant la voute de ce grand bastibastiment, nous ne regardons pas les cieux à la saçon des Astrologues qu'Ésaie au chapitre 47. appelle espieurs des cieux; les quels concemplent les cieux d'vne contemplation sans esperance. Ni comme les hommes prosanes, & sas cognoissance de Dicu, qui regardent les cieux seujement pour voit quel temps il fait. Mais nous regardons les cieux comme le frontispice de la maison de nostre Pere, & où on nous attend, & où nous auons vne demeure assignes: où nos freres qui nous ont precedé recoiuent incessamment quelques ames qui arrivent au port, eschappees de la tempeste de ce siecle. En esseunt nos yeux nous eleuons aussi nos desirs, & là où est nostre threfor là aussi est nostre cœur.

Ce qui nous oblige à viute d'une conversation celeste, & comme il est convenable à ceux que Dieu appelle pour estre bourgeois des cieux : & suivant l'exhottation de l'Apostre Coloss. ; cercher les choses qui sont en haut, là où Christ est assis à

Le ce que dit Jacob, pour vray c'est ici la porte du ciel, se peut & doit accommoder à l'Eglise de Dieu sei bas, laquelle vrayement est la porte du ciel, car c'est le chemin & l'entree du royaume des cieux, & comme le sieu sainct, par lequel il saut passer pour entrer au sanctuaire celeste. Qui est vn grand a verrissement à cheminer sainctement & honnestement en l'Eglise de Dieu. Car si c'est vn grand crime, & qui ne demeure point impuni, que de commettre vne insolence ou quelque vilaine action à la porte de la chambre du Roysceluy-là demeurera-il impuni, qui se sera

comporté insolemment, & commis chose iniufle ou mal-honneste à la porte du ciel, au lieu qui est l'entree du Royaume des cieux, & en la prefence & à la veue du Roy des cieux?

C'est là vne bonne pensee & salutaire, & vn bon aduertissement toutes & quantessois que nous sommes tentés à offenser Dieu, & que nos conuoitiles s'esmeuuent, de dite en soy-melme à l'imitation de Iacob, Pour vray l'Eternel est en ce lieu & se n'y perssors pas. Ne craindrois-ie point de commettre vne telle action en la presence de ce-Iuy qui me regarde, qui cognoist mon cœur, qui tient registre de mes pechés, qui est juge de mes actions, & auquel il faut rendre conte melme d'vne parole oisiue? Y a-il larron qui voulust couper vne bourse en la presence de son iuge? Mesme deuant quelque personne que ce soit, que nous respections tant soit peu, nous craignons de faite chose mal honneste, & cependant nous ne craignons pas de faire des choses deuant Dieu que nous serions honteux de faire deuant les hommes. Est-ce pource que nous pensons qu'il ne void pas si clair que les hommes? Ou qu'il n'a pastant de moyens de nous punit? Ou pensonsnous qu'il conniue à nos vices, & n'y prend pas garde de si pres? Ou que ses jugemens sont fort éloignés, & qu'il y a beaucoup de temps de reste, & du loifit assez pour y penser? Car par telles penses les hommes s'endorment, iusqu'à ce que Dieu les accable tout à coup, & le diable enueloppe insensiblement les hommes qui reculent de iour à autre l'amendement, iusqu'à-ce qu'il les entraine à perdition. Bref c'est là vn remede excel-

excellent pour retenir vn homme en sobrieté & en integrité de conscience, que de penser tousiours que Dieu est present, & qu'il est pres de mous & autour de nous, & viure par tout comme si on estoit en-vn temple en la presence de de Dieu. Sous ceste seule parole Dieu a comprins toute la pieté, quand il a dit à Abraham Genes. 17. Chemine deuant ma face & sois entier. Alors vn homme viura en integrité quand il cheminera comme deuant la face de Dieu, duquel comme les yeux letuent à nous retenir en crainte, aussi sa presence remplit les cœurs de ioye & d'asseurance, puis qu'il a l'œil sur nous pour nous conferuer & garentir de tout mal; & nous ayant deueloppé des embusches de Satan, & de l'inimitić du monde, & deliuré de toute manuaise œnure, 2. Tim.4. nom sauner en son royaume celeste. A luy soit gloire 18. es siecles des siecles Amen.

